



**Francisci Monacelli Eugubini J. U. D. Protonotarii
Apostolici, olim Ecclesiae Venusinae, ac deinde Aesinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad
Officium Judicis nobile, continentur ; Opus Episcopis, Vicariis Generalibus,
Aliisque Iurisdictionem quasi Episcopalem exercentibus: necnon
Confessariis, Parochis, Cancellariis, cæterisque in dicto Foro versantibus,
apprimè utile ...

In qua præter formulas Declaratoriarum Censurarum, ponuntur aliæ
formulæ, tum Citationum, ac Monitionum pro validitate processuum
requisitarum, tum Decretorum, aliorumve actuum ad opportunitatem, &
ornatum materiæ incidentium; acceditque in calce Appendix miscellanea,
plura, ad Gubernium ...

Monacellus, Franciscus

Venetiis, 1709

Sententiæ declaratoriæ excommunic. contentæ in c. Quoniam, de
immunit. Eccles. in 6. Form XIII.

[urn:nbn:de:hbz:466:1-62433](https://nbn-resolving.org/urn:nbn:de:hbz:466:1-62433)

Reſtoribus noſtræ juridiſtioni ſubjectis, ut per ſeipſos, vel per alios, ſingulis diebus Dominicis, & feſtis diebus pulſatis Campanis, & candelis accenſis, & deinde pedibus conculcatis, & extinctis, uſque ad reſtitutionem, & ſatiſfactionem condignam inter miſſarum ſolemnia publice populo eos excommunicatos denuncient, & ab omnibus evitari faciant. Proceſſuri ad graviora contra ipſos, prout proterviam, & contumaciam exigere videbimus eorundem. Datum &c.

N. Episcopos N.

N. Aſſurgius.

Nomina Excommunicator.

N. N.
N. N.
N. N.

Hoc etenim, præter novam reaffixionem Cedulorum, eſt remedium ordinarium adhibendum adverſus excommunicatos contumaces, prout colligitur ex Extravag. de decim. & ex Extravag. de furt. & pluries adhiberi debere cenſuit d. Sac. Cong. Immunit. ut in Beneventana 20. Jan. 1637. lib. 3. decr. pag. 22. & in Nullius Caſus 20. Martii 1630. lib. 2. Decr. fol. 33. à vergo & in Marſicana 18. Auguſti 1637. lib. Dec. pag. 40. & in Torpien. 22. Julii 1630. lib. 2. decif. fol. 53. Gavant. verb. excomm. n. 45. Bzov. Hiſtor. Eccleſ. lib. 13. ad ann. 1200. n. 11. vide aliam formulam quam dedi tom. 1. tit. 12. form. 16.

De excommunicatione contenta in 6. quoniam de Immunit. Eccleſ. in 6.

Qui obtinent in prima, vel ſecunda instantia in cauſis ad forum Eccleſiaſticum pertinentibus a Sede Apoſtolica Judicem in partibus delegari, aliquando vel potentia partium, vel Judicum ſæcularium imperio, litteris delegationis uti impediuntur. Quare ſi Judex delegatus velit ad cenſuras procedere contra impediētes conſtito prius de impedimento, & præmiſſa monitione juxta formulas ſuperius traditas, ad declaratoriam deveniat modo ſequenti.

Sententiæ Declaratoriæ.

F O R M U L A XIII.

V iſis litteris Apoſtolicis per N. impetratis, & coram Nobis in forma publica, & ſignari ſolitæ abſque ullo vitio exhibitis, de & ſuper introductione & cognitione Cauſæ (& exprimatür natura Cauſæ) in ſecunda instantia coram Nobis Judice in ejuſdem litteris Delegato, inter ipſum impetranter & N. viſis juribus ex quibus conſtat de impedimento præſtito per N. executioni, dd. litterarum: viſa monitione contra eundem exequuta cum inſertione litterarum, ad removendum impedimentum cum comminatione cenſurarum, ejuſque contumacia: viſa demum d. impetrantis instantia (ſive Promotoris Fiſcalis) pro fulminatione excommunicationis, dicimus, & declaramus, d. N. executionem litterarum Apoſtolicarum prædictarum impediētem, incidiffe damnabili-

biliter in excommunicationem majorem contentam in *c. quoniam de immun. Eccl.* in 6. & in Processu Bullæ Cænæ *can. 13. 14. & 16. Papæ reservatam* & ideo esse denunciandum excommunicatum, prout denunciari volumus, *Cedulones* decernimus, & relaxamus, & affigi mandamus, omni &c.

N. Judex Delegatus Apostolicus.

N. Aduarius.

S U M M A R I U M .

- | | |
|--|--|
| <p>1 Impediens executionem litterarum Apostolicarum excommunicationem incurrit.</p> <p>2 Quis dicatur impedire ostenditur.</p> <p>3 Qui attentat impedire, & postea ab impedimento desistit, non incurrit quia non punitur affectus, sed effectus.</p> <p>4 Quæ expeditiones veniant sub nomine litterarum Apostolicarum ostenditur, & num. 5. & 6.</p> <p>7 Delegatus, tenetur in citatione inserere tenorem suæ delegationis, alias citatum non ardeat ad comparandum.</p> <p>8 Excommunicatus à Delegato Papa, eo mortuo, absolvi non potest nisi à delegante, vel successore delegati.</p> <p>9 Episcopus censuras non reservatas, non potest Papæ reservare in præjudicium metropolitani, cui manus ligate non potest.</p> <p>10 Referuntur versus, quibus exprimitur casus in Bulla Cænæ contenti.</p> | <p>11 Arma tradens infidelibus pro redemptione captivorum in modica quantitate, non incurrit censuram Bullæ.</p> <p>12 Bannientes Episcopos ab eorum Diocesis, nisi sequatur effectus, censuram Bullæ, & penas <i>cl. m. x. de pæn.</i> non incurrun.</p> <p>13 Judices laici sequestrantes fructus Beneficiorum incurrun censuras Bullæ. Christus est Dominus honorum Ecclesiæ, Papa Administrator, Judex laicus, qui sequestrum removere recusat, est declarandus excommunicatus.</p> <p>14 Delegatus Papæ potest ubique suam jurisdictionem libere exercere.</p> <p>15 Merus executor Apostolicus excommunicare non potest.</p> <p>16 Ordinarius non potest cedulones extra propriam Diocesim publicare, & affigere in forma authentica sine licentia Ordinarii loci.</p> <p>Ordinarius loci requisitus ab excommunicante, tenetur excommunicationem publicare.</p> |
|--|--|

Denunciationis.

F O R M U L A X I V .

HIC auctoritate Apostolica delegata declaratur, & denunciatur excommunicatus excommunicatione majori SS. D. N. Papæ reservata N. ex eo quia litteras Apostolicas in forma Brevis per N. impetratas, & in forma authentica coram nobis Judice Delegato exhibitas, super introductione, & cognitione Causæ, de qua in actis inter ipsum impetrantem, & N. vertentis, publicari, & parti intimari, aliisque, quibus interest notificari prohibuit, & introductioni, & cognitioni Causæ prædictæ auctoritate sua, qua contra libertatem, & jurisdictionem Ecclesiæ damnabiliter abutitur, impedimentum dedit. Quare ut tanquam excommunicatus ab omnibus vitetur præsentibus publicari iussimus.

& ta-